

LEMBAGA URUS AIR SELANGOR
(UNIT KORPORAT)

AKHBAR : SINAR HARIAN
TARIKH : 01 JULAI 2020

KERATAN AKHBAR

22

#JanganPutusAsa
#Malaysia

Sinar NEGERI SELANGOR

20 lokasi sensitif sumber air dipantau

LUAS keluaran 84 notis kesalahan kepada pemilik premis gagal patuhi enakmen

Oleh NUR FARHANA ABDUL MANAN

SHAH ALAM



Ops Sumber Air melibatkan beberapa agensi mengikut bidang kuasa masing-masing dengan pemantauan di lebih 20 kawasan sensitif sumber air di Selangor.

Lembaga Urus Air Selangor (LUAS) mengeluarkan 84 notis pemberitahuan kesalahan dan lima kompaun pemberitahuan kesalahan kepada pemilik premis yang gagal mematuhi Enakmen LUAS 1999 sepanjang Ops Sumber Air bermula 18 Mac lalu. LUAS menerusi satu kenyataan memaklumkan, Jabatan Alam Sekitar (JAS) Negeri Selangor turut mengeluarkan tujuh kompaun dan tujuh notis arahan terhadap premis yang gagal mematuhi Akta Kualiti Alam Sekeliling 1974 sepanjang operasi dilaksanakan. Menurut kenyataan itu, sebanyak lima insiden pencemaran yang menyebabkan henti tugas loji pembersihan air (LPA) utama dilaporkan walaupun negara dalam tempoh Perintah Kawalan Pergerakan. Namun, tindakan pantas selepas lima insiden tumpahan minyak berjaya mengelakkan henti tugas LPA utama di Sungai Selangor; LPA Labohan Dagang dan LPA Bukit Tampoi di Sungai Langat serta LPA Sungai Labu dan LPA Salak Tinggi di Sungai Labu. Melalui operasi dijalankan, tempoh masa henti tugas loji terlibat dengan insiden pencemaran kod merah dapat dirapatkan hasil daripada tindakan bersepadu LUAS dan semua agensi terlibat. "Operasi bersepadu ini melibatkan beberapa agensi termasuk JAS, Pengurusan Air Selangor Sdn Bhd, Indah Water Konsortium Sdn Bhd, polis dan pihak berkuasa tempatan. Ia dilaksanakan mengikut bidang kuasa agensi dengan pemantauan di lebih 20 kawasan sensitif sumber air. "Setakat hari ini (semalam), lima kali kod merah kecemasan pencemaran sungai negeri Selangor diaktifkan ekoran insiden pencemaran," katanya.

UNIT KORPORAT

TINGKAT 13, BANGUNAN DARUL EHSAN,
NO.3, JALAN INDAH, SEKSYEN 14, 40000 SHAH ALAM
TELEFON:03-55111800 / FAX:03-55101800